



Broj: 03/1-11-34447-5/24

Datum: 09.12.2024. godine

Na osnovu člana 70. stav 1) Zakona o javnim nabavkama („Službeni glasnik BiH“, br. 39/14, 59/22 i 50/24), a nakon provedenog postupka javne nabavke putem konkurentskog zahtjeva za dostavljanje ponuda: „Nabavka usluge izrade Studije izvodljivosti Naučno-tehnološkog parka u Kampusu Univerziteta u Tuzli u okviru Programa SDG2BiH“, ministar privrede u Vladi Tuzlanskog kantona d o n o s i

ODLUKU

o izboru najpovoljnijeg ponuđača

Član 1.

Prihvata se preporuka Komisije za javnu nabavku iz Zapisnika broj: 03/1-11-34447-4/24 od 05.12.2024. godine u postupku javne nabavke putem konkurentskog zahtjeva za dostavljanje ponuda i to „Nabavka usluge izrade Studije izvodljivosti Naučno-tehnološkog parka u Kampusu Univerziteta u Tuzli u okviru Programa SDG2BiH“.

Ugovor o nabavci će se zaključiti sa ponuđačem „**Urbis centar**“ d.o.o. **Banja Luka**, smještenim na adresi Bulevar Vojvode Stepe Stepanovića 101a, 78000 Banja Luka, a na osnovu dostavljene ponude broj: 1878-P/24 od 22.11.2024. godine za ponuđenu cijenu od 14.900,00 KM (bez PDV-a).

Član 2.

Prijedlog ugovora o nabavci će se dostaviti na potpis izabranom ponuđaču, nakon proteka roka od 15 dana računajući od dana kada su svi ponuđači obaviješteni o izboru najpovoljnije ponude.

Član 3.

Ova odluka stupa na snagu danom donošenja i objavit će se na web-stranici Ministarstva privrede (<https://mptk.gov.ba>), istovremeno s upućivanjem iste ponuđačima koji su učestvovali u postupku javne nabavke, a u skladu sa članom 70. stav (6) Zakona o javnim nabavkama Bosne i Hercegovine.

O b r a z l o ŷ e n j e

Postupak javne nabavke „Nabavka usluge izrade Studije izvodljivosti Naučno-tehnološkog parka u Kampusu Univerziteta u Tuzli u okviru Programa SDG2BiH“ pokrenut je Odlukom o pokretanju postupka nabavke broj: 03/1-11-31723/24 od 04.11.2024. godine. Javna nabavka je provedena putem konkurentskog zahtjeva za dostavljanje ponuda, a izbor ponuđača je izvršen putem e-aukcije a po osnovu kriterija najniža cijena. Procijenjena vrijednost javne nabavke bila je 25.000,00 KM (bez PDV-a). Obavještenje o nabavci broj: 19131-7-2-30-3-5/24 objavljeno je na portalu javnih nabavki 06.11.2024. godine i u Službenom glasniku BiH broj: 76/24 dana 08.11.2024 godine te ispravka obavještenje o nabavci 19131-7-2-30-8-6/24 od 15.11.2024. godine objavljen u Službenom glasniku BiH broj: 80/24 dana 22.11.2024 godine.

Komisija za javnu nabavku imenovana od strane ministara privrede (u daljem tekstu: Komisija) je dana 06.12.2024. godine dostavila Zapisnik o ocjeni ponuda 03/1-11-34447-4/24 koji ujedno predstavlja preporuku o izboru najpovoljnijeg ponuđača kao i izvještaj o radu Komisije u postupku predmetne javne nabavke.

Komisija blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - šest (6);
- da je blagovremeno zaprimljeno šest (6) ponuda;
- da nema neblagovremeno zaprimljenih ponuda;
- da su ponude ponuđača „Enkon d.o.o. Tuzla, „Urbis Centar“ d.o.o. Banja Luka, HKP Consulting d.o.o. Banja Luka, Radis d.o.o Istočno Sarajevo, Institut za građevinarstvo „IG“ d.o.o. Banja Luka prihvatljive i ispunjavaju sve uslove i zahtjeve iz konkurentskog zahtjeva za dostavljanje ponuda;
- da je ponuda Centra za projektovanje i konsalting „CPK“ d.o.o. Banja Luka nepravilna jer nije priložen ispravan ANEX IV;
- utvrđeno je da je je e-aukcija okončana ponudom ponuđača „Urbis Centar“ d.o.o. Banja Luka sa cijenom od 14.900,00 KM (bez PDV-a).

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke imenovane Komisije. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i konkurentskim zahtjevom za dostavljanje ponuda.

Shodno odredbama člana 98. stav (1) Zakona o javnim nabavkama prijedlog ugovora o nabavci će se dostaviti na potpis izabranom ponuđaču, nakon proteka roka od 15 dana računajući od dana kada su svi ponuđači obaviješteni o izboru najpovoljnije ponude.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od petnaest (15) dana od dana prijema iste. Žalba se podnosi u pisanoj formi direktno ili preporučenom poštanskom pošiljkom u najmanje tri primjerka.

DOSTAVLJENO:

- 1 x „Urbis Centar“ d.o.o. Banja Luka
- 1 x „Enkon d.o.o. Tuzla
- 1 x HKP Consulting d.o.o. Banja Luka
- 1 x Radis d.o.o Istočno Sarajevo
- 1 x Institut za građevinarstvo „IG“ d.o.o. Banja Luka
- 1 x Centar za projektovanje i konsalting „CPK“ d.o.o. Banja Luka
- 1 x Evidencija,
- 1 x a/a.



MINISTAR

Edin Đuraković
Edin Đuraković, dipl. pravnik